

են հրամայում հետեյալ հարցի մասին. եթե հայ ժողովրդի որոշակի համայնքներ, ինչպես նաև եպիսկոպոսներ, սևադուխներ և ուրիշներ, որոնք բնակվում են Չուխուր-սաադի, Ուչքիլիսա (Էջմիածին) կոչվող վանքում, Շատիկ անունով հայտնի անապատում և թուրան-ե Նախջեանի Եղեգիսի ձորում գտնվող Կարմիր վանքում և այլուր, ինչպես նաև Տաթևի և Վաղարիի վանքերում, Գարաբաա գյուղում, որ հայտնի է Աղվերձ անունով, և Ղափանաթի ալլ վայրերում, զիմի լինելով շարունակեն զիմիների կարգով ապրել և համաձայն շարիաթական օրենքի կատարեն ջիզյայի պարտավորությունը ու նրան հակառակ որևէ գործ չկատարեն և ուղեն ըստ քրիստոնեական հավատքի իրենց ննջեցյալներին թաղել, ամուսնություն ակտեր կատարել, կոչնակ զարկել, ազոթել և ազոթքի ժամանակ բարձրաձայն երգել, այս դեպքում որևէ մուսուլման իրավունք ունի հակառակ լուսավոր Շարի՛ հիշյալ համայնքին նեղություն պատճառել, արգելք հանդիսանալ և չթողնել, որ նրանք վերոհիշյալ ձևով իրենց կենցաղը վարեն, թե ոչ: Պարզեցեք<sup>1</sup>:

Սադրը այս հարցին ժխտական պատասխան է տալիս և հաստատում է, որ ջիզյա վճարող հայերը այդ իրավունքները ունեն:

Թե հայաբնակ որոշ վայրերում ինչ աստիճանի են հասել կրոնական հալածանքները, այդ կարելի է եզրակացնել այն վաստից, որ եղել են գեպքեր, երբ հայերին թույլ չեն տվել իրենց «հայրենի» կալվածներում ազատորեն վարուցանքով զրազվել: 1658 թվականին հրապարակված ֆեթվայից հայտնի է դառնում, որ հարկ է եղել հարցում կատարելու բարձրագույն Դիվան-ալ-սադարաթին, թե՛ «երբ արդեն շարիաթական ձևակերպմամբ որևէ կալված որպես մուլք վերջնականապես պատկանում է որևէ հայի, համաձայն շարիաթի՛ այդ հային թույլատրվում է արդյոք այդ կալվածքը մշակելու, թե ոչ»:

Սադրը այս հարցին դրական պատասխան է տվել և կնքել<sup>2</sup>: Այս վաստը ինքնին ապացուցում է, որ շատ դեպքերում մուլքային սեփականության իրավունքի հարցում հայերի նկատմամբ լուրջ գովարություններ են հարուցվել:

Ֆեթվաներից երևում է, որ խիստ տարածված երևույթ է եղել նաև այն, որ երբ հայ սայաթներից որևէ մեկը առևտրական կամ այլ նպատակներով մի տեղից մի այլ տեղ էր գնում, այնտեղ նրանից պահանջում էին կրկին անգամ գլխահարկ վճարել, հակառակ դեպքում ստիպում էին հավատափոխ լինել: Այդ անշուշտ մեծ մասամբ տեղի էր ունենում հայ վաճառականների հետ, որոնցից այս եղանակով փորձում էին խոշոր գումարներ շորթել<sup>3</sup>:

17-րդ դարի 60-ական թվականների Դիվան-ալ-սադարաթի մի շարք ֆեթվաներում Հալոբ կաթողիկոս Զուղայեցին հարկադրված է եղել շեշտել տալ, որ «համաձայն գոյություն ունեցող օրենքների, հայ սայաթները ջիզյան վճարում են միայն իրենց հիմնական բնակություն վայրում, մեկ անգամ, և այլ վայրերում ձամփորդելիս նրանցից ջիզյա չի պահանջվում»: Սակայն չնայած դրան, նույն ֆեթվաների բովանդակությունից պարզվում

<sup>1</sup> ՄՊՎ, թղթ. 1ր., վավ. № 144, հմտ. թղթ. 1ր., վավ. № 145:

<sup>2</sup> ՄՊՎ, թղթ. 1ր., վավ. № 107:

<sup>3</sup> ՄՊՎ, թղթ. 1ր., վավ. №№ 132ա, 132բ, 132գ, 146 և այլն: